

Zems **Zapat meluwan kapi Zemsiyan** **kuye**

Zapat meluwan kapi an kwiyan penan kuye ke sosok penan nen ku kukunangapmti an keyan kup nep ku zenzeyelen. An Kawawangalen zetgat yanjan mnâmti makup ekjenan an kwi keyet kegogak zet mmot mtot omba penan miminan. Notnanan zewienen Zisasiyet meninan nen kwitnan Zems ek dapmelange alaknan Zelusalem mka teman mambien ekngat an damunin mange egan kuye manzeip. Zemsiyan an nâmkipepeninmak Zuda mangengatnan kumkalanți msat sambe mebet kokotnan ekngat kumindaye.

An kwi ma kwiyan kuye keyan zet apapalak kegok kuye. Zet esentan penan kuye. Zet notnan zapat meluwan kapiyet kenan tazinen Matiyu kuye keyet katan kukunan. Sekem kebongat Kawawangalen Zet Zapat Dolaknan Penananen mâtâti ekbak. Zems 2:13 makumti naman Matiyu 5:7 kegogak mainți ekbak. Zet sekam kebon ombanik Zemsiyelen zapat meluwanen aikbek.

Zapat meluwan kapi yanjan kapigok. Am nâmkipepeninmak Zuda mangengatnan weyanbe weyanbe mti tatnepeme sisipenpen sokbeme eknen katiknan bemtatatgalen nâmti zapat meluwan kapi kuye. Zemâtâtât notnan tazin keyan am kenin ma sekjin melen belen beme nâmkipepemak tati keyet penan

msokbembeyelen. Kwit Kilais ke zapat meluwan kapiyet tuk etaŋ kukuŋaŋ.

Zet ɲotekɲaŋ temaŋ kapigogaŋ Zems zapat meluwaŋ keŋaŋ talip:

1:1 Zet ɲeŋaŋ bemzenzeyelen zet

1:2-8 Nâmkɲepemak mama

1:9-11 Mânep milawatmak mama ma bekopsat mama

1:12-18 Tetimaemaeyaŋ yaŋin mimekbe

1:19-27 Kawawaŋgalen zet wagaŋ etaŋ nânâ ke ɲep yek

2:1-13 Kalalaŋgat yaŋaŋ zenzenaŋ

2:14-26 Nâmkɲepepe yaŋaŋ mim eek

3 Nambalamin ekdamuŋ mimiyelen zet

4:1-5:6 Am msat kapiyelen mama mimi bekanan

5:7-20 Zemâtâtât ikɲak ikɲak

¹ Neŋ Kawawaŋ ma Amobotnaŋ Zisas Kilaisiyelen mulup an. Neŋ zapat meluwaŋ kapi ingat indamukumindesâti kuyap. In Islaeliyelen am maŋge 12 ekɲengat iŋsokɲine Zisas Kilaismak tususuŋin tazinaŋ kalaŋti lala bubuk bemti msat katan mekobienan talip.

Nukɲaŋen kaliŋaŋ bem tatalaŋ nâmkɲepepe penanŋat yaŋaŋ mamsokbein

² Kilaismagen notnne, inmagen nukɲaŋ igak igak sokbeme keyet nâme keŋ sokukuŋaŋmak ku bewe; keŋin oloŋen palen tabep. ³ Kwitnaŋ kwitnaŋ keboŋaŋ nâmkɲepenaŋin mmek mmek mi-mindikme katikɲaŋ tabep. Keyet penanaŋ inmagen katikɲaŋ bemti tatat omba sokbemindawe.

⁴ In nâmtekalim tati kan katan nukɲaŋ pumti

gingiņ mtabep. Keyet penañañ nâmkîņpepeen kaliņañ bemti an imbi penañ mamaipgapmti nukņañ pusât ku olabep.

⁵ Ingat tunģuwinangatnan am ņenan Kawawaņģalen set ma mama mimi ekņenan mimiyet nâmtikņañ mam keyet olati ekņenan Kawawaņ dundum same egaņ ņep ņoktik dolakņañ am sambe penañ ndamti egaņ keyet zem watot watot ku mam. ⁶ Dundusâgât keņ zut palen yek; Amobotnaņ nâmkîņpemti penañ dunduwep. Keņ zut mbep beme ekņenan nembu mamaņ tâģâyaņ kumbume mamekwazin keboņ bewep. ⁷ Am keboņģat dundundunin Amobotnaņañ ku manâmindein. ⁸ Am keyelen ņoktikņin kilen maepemti mekozin ma ekņenan mama mimi mamip keyañ set kwewetaņ mâti ku mamezin.

Mânep milawatmak mama keyañ penañañ penañ ku bein

⁹ An ņen bekopsat nâmkîņpepeņenmak ek Kawawaņañ ekme iķņaņģat nembaņañ mambein keyet nâmti oloņen mbe. ¹⁰ Yaņģut an ņen nâmkîņpepeņañmak mânep milawat sambe tasain keyepmti sek mobot ku mbe. Kawawaņañ ekme yomtoņ beme gilik zem wage keyet nâmti oloņen mbe. Tep elewilinaņañ dâlân zemti matolip sepem kegok mânep milawatnaņañ yek bewe keyet sek mmobopiņ. ¹¹ Kasuwaņ tambuņañ penañ kwati tep elewilinaņ ekme aņģasimti dâlân zem msalen topme elimiakņañ ke mayek bein. Sepem kegogak am mânep milawalin teman ekņenan ģakime mka mundumin etaņañ tabe.

¹² An ñen ek nukñanen katikñan bemti tapme Kawawañan eget nâme dolakñan mambein. Ek nukñanen windenñan mambein beme Amobotnanañ mama kanzizit keyan miakpewe. Ke am Kawawañgat gogot mampeip ekñen indandayet zetik mge.

¹³ An ñen bekanangat tetimaemae sokbemsame kapigok ku zewe. “Kawawañan tatetinem nikzin.” An ñenan Kawawañ ku tetipepeyelen ma egan kegogak an ñen bekanan mimiyet ku matetipein. ¹⁴ Tetimaemaeyet yañan kapigosetgatnañ masokbein, ñenan an ñenan ikñangalen mama mimi mgasik mimiyelen tikñanñan kenanen tazin keyan zemandamti tetipeme bekanan mme teman mambein. ¹⁵ Âpme bekanan mimiyet keñ punpun mamin keyan penañan yom maaiksain. Yom keyan tapmetneti teman bemti penañan gakiki maaikzin.

¹⁶ Notnne penan, in zet keyet ku nâmyunguwep. ¹⁷ Kawawañan kegok ku mimiyelen egan taolet dolakñan ke mandain. Keyet Kawawañ Bipm An kwitnañ kwitnañ busatnañanmak sambe mme sokbeye. Mme busatnañ ekñen keyan kan notnangat busatnañin teman manzin ma kan notnangat aiaikñan manzim. Ma nin Kawawañ tanam kebonmak ku bem mek ekbanek. Ek sepem kwep matazin. ¹⁸ Kawawañan nâmâtâtpeye ke zetnañ penanmagesetgatnañ am nâmkinpepeen nemunambañane nin ndaige. Ke nin kwitnañ kwitnañ sambe Kawawañan mge keyet ñenanjinok benup.

Kawawaŋgalen zet wagaŋ etaŋ nânâ ke ŋepyek

¹⁹ Notnne penan, in kapigok penan nâseip, am in Kawawaŋgalen zet wagaŋ nânâyet elen belen bemti nâmbep. Zet zemti ŋenzinziŋ mimiyetgut kwelen kwelen mbep. ²⁰ Enenogat ŋenzinziŋ palen kwitnan kwitnan mamip keyan Kawawaŋgalen mama mimi ten keyelen set mamimyunguin. ²¹ Keyepmti in mama mimi mgasik sambe notnan ma bekanan msat palen palaknan bemtazin peme tapme keŋ sewak palen mamti Kawawaŋgalen zelan keŋinan tewan kindiŋan time matowezin sepem kekok keŋinan time topme mamambep. Keyan keŋin aŋgalaŋindendeyelen windenŋan tasain. ²² In Kawawaŋan zet keŋinan bempaye keyet penanŋan aikbep. Belak wagaŋ etaŋ nâmpemti ku nânânan sepem mambep beme keŋin tetipewep. Kogogat zeme nâmti keyet katan mbep. ²³ Ŋenan Zet Zapat Dolaknan Penan nâmtiŋgut ku nânânan sekem mambe beme an keyan amnan zimoselin gapiamen ekti naman gilik zem belaknan ekti zimoselin makandat indoin sepem kekok bewe. ²⁴ Egan ŋenzimosetnan gapiamen ekspemti toti met kilen mamamti naman ŋenzimosetnangat makandazin. ²⁵ Ma ŋen egaŋ Kawawaŋgalen zet penan yomgalen mka katikŋangatnan tetimti lala mapein zet ke yanŋan weyan nâmatâti mambe mti wagaŋ nânge ke ku makandatkuin. Nâmti gawepuwe an kebon ke Kawawaŋan nâmtiknan mpemti mukulem mme oloŋen palen mambe.

²⁶ An ŋenan pigok mene otnâmbep, “Neŋ an nâmkinpepemak penan mamayap,” zeyeyanŋut

dembusekñan ku ekdamun mbe beme kenan tetipewe. An kebon nâmkînpepenñgalen mama mimiñan belakñan penan bewe. ²⁷ Nâmkînpepen esemten ma kakanemun keyet penañ Bipm Kawawañgat zikatnan penañmak bembeyelen kapigok mman ñep bein: Imbi kwambet ma nemba dumen olat olat palen mame indikdamun mimindendeyelen. Ma msalengalen kwitnan kwitnan keyan kenin mme bekanan bembeyelen keyet eksemti mamambep.

2

Am mânep milawalin teman ma am bekopsat sepem kwep indatiwep

¹ Notnne, in Amobotnan Zisas Kilais manâmkînpepgapmti am ekñengat tunguwinangatnan notnangat ken ke ken ke ku mbep. ² Neñ kapigogapmti zeyap, ondedakñinan an ñen melakandu dolakñan peme topme elimiak sopman mti kobe. Âpme egat baman an ñen bekopsat sangum kâlâpman endeleletnanan kobe. ³ Âpme in an elimiakñan temanmagan kopme ekti pigok zewep, “Geñ pien mundumen kototat.” Kegok zempemti an bekopsat egat pigok zewep, “Geñ kainde bap palen metotat.” ⁴ In zemdelan zenze mulup mimiyet kwiyan zemindeyeyepm kegok mti am ñen mmopemti ñen mtopemti tapmip? Kegok miyo ke bekanan.

⁵ Notnne, zet pigok zema nâit. Kawawañan am sepem zibon indakumtetime kobien? Msalen am bekopsat mamaip ekñen ke nâmkînpepen polak polak talipgapm Kawawañgalen zemâtâtât

katnanen mama keyet keñan mebegat indaman-dame kobien. Ke am egat nâmtikñañ mam-peip ekñen kekok mimindandayet zetik mami-mindain. ⁶ Âpme in am bekopsat ekñen zikalin galemaset maindigip. Ekñen ke mtot indemti nukñañ sekñinanek mambemindeip. Mme am sekñin mamolip ilin keyañ nukñañ indamti in an damuñmagen zelen maindatimti melip. ⁷ Mti Zisas in ikñañgat zapat indatitiñañ egat kwitñañ pembenañ ke kwelatmakumpeip.

⁸ Gitañgat mañgembein sepem kekokak am not-nañgat gembewe. Zii zet Kawawañgalen Zet Itñañanen mamañ kekok penañ kumpepenañ ke gawepume ñep penañ bewe. ⁹ Yañgut am ekñañgat ken ke ken ke mbanik beme geñ an zii zet kululutonñ bewanik ma kekok mnekgapmti yomm mnik kekok bein. ¹⁰ Am ñenañ zii zet sambe ke gawepumâpme delañ zemâpbe yañgut zii zet kwep penañ ñen kuluwe beme an zii zet kululutonñ. ¹¹ Kawawañañ pigok zeye, “Awembin it kalelañ ku mbalup,” zemti ñen ewe pigok zeye. “Geñ kasa ku kuwanik,” yañgut geñ imbindi katipepepiñ mamti kasa kuwanik beme geñ an zii zet kululutonñ.

¹² In kapigok nâmbep, Kawawañgalen zet penañ yomgalen mka katikñañgatnañ indatetimti lala maindein zet keyañ zemdelañ zenze kanen kosâpm keyepm weyañ nâmatâti zelin sambe zewep ma mama mimi sambe weyañti mbep. ¹³ Enenogat Kawawañañ am ñengat añañalañ gogot ku mamip egañ am ekñen ke kogogak añañalañ gogot ku mimindawe. Bamgat añañalañ

gogot palen mama keyan kasa kasa palen mama
selan ime tobe.

*Nâmkînpêpe mulupmanpiñ ke nâmkînpêpe pe-
nan yek*

¹⁴ Notnne, an ñenan, “Neñ nâmkînpêpemak
mamayap,” zewe, yangut egan am ñen ku
mukulem mpewe beme nâmkînpêpe kebon keyan
zigok kan ðelan zenzenan gapmukulem mbe?

¹⁵ Inmagengatnan ñenan sangum kâlâpgat ma
tu meuyet olat olat palen mame ¹⁶ ekti ñenan
pigok dunduwe, “Geñ meti ñep masenik mti
tâgâyet msenikgat bakeyan ambulut mane kip-
man beme tasenik ma tu meu omba penan
nimnaleksenik.” An ñenan zelan etan kegok
zemti am notn notn ku mamimindeinan kegok
zeme zigoset ñep mukulem mpewe? ¹⁷ Keyepmti
nâmkînpêpeyan keñ taolet mimi mulup ku mbe ek
nâmkînpêpenan penanan yek bemberan kegok
zewanup.

¹⁸ Yangut an ñenan pigok mene zenak, “Geñ
manâmkînpemti mamanik mme neñ mama mimi
dolaknan etan mamiyap.” Âpme neñ pigok
zewi, “Geñ nâmkînpêpendi ke zikat namane
ekma mama mimi dolaknan kemak pepap ku
mambein keyepmti nâmkînpêpendi penanepiñ.”
Ma neñ nâmkînpêpenan zikat gama eegalen
mama mimi dolaknanmak temakwep mma
ekbak. ¹⁹ Kawawan Ek kwewetan zet kapi penan
manâmkînpemti e ñep mamnik yangut zet ke we
bekanan ekñenan kegogak manâmkînpêp. Mti
keyet sebelan diñdiñ mamip.

²⁰ An kenđipin, geŋ pigok nâmbek, geŋ belak etan nâmkınpemti mama mimi dolakŋan ku mbanik beme nâmkınpependi ke belakŋan penan bewe. Zet keyet yaŋan zemkawan bembeyelen zet zapat kapigok msowap ke kapi: ²¹ Eweŋan sokŋ Abalaam egaŋ nemuŋan Aisak sâpe sâpe bumbu munduman mopeye. Kan keyet Kawawaŋan nâmpeme an teŋ penan beye ke mama mimiŋanġatyepmti kekok mge. ²² Keyepmti pigok eknup, Abalaam nâmkınpepenan ke mama mimiŋan mukulem mpeme penanġmak beye. ²³ Eweŋan Kawawaŋan Abalaamġat pigok zeye ke katikŋan beye. Abalaam egaŋ Kawawaŋ nâmkınpeme eġat nâmpeme an teŋ beye. Keyepmti eġat kwitnaŋ Kawawaŋġat notnaŋ penan kogok zenzeŋan. ²⁴ Egit. Kawawaŋ egaŋ am ŋen nâmkınpepenġat etan nâmpeme an teŋ ku mambein. Egaŋ mama mimi dolakŋan ma nâmkınpepe eġet keyan temakwep bemalu keyet nâmpeme an teŋ mambein.

²⁵ Keyet sepmeŋ ŋen imbi set kilen mama kwitnaŋ Leap egaŋ Zâsuayaŋ an zut zemideme msat wiliŋim eksâġat mekun idikdamuŋ mimidemti zemideme set ŋeneset mekun keyepmti Kawawaŋan Leap eġat imbi teŋ kekok nâmpeye. ²⁶ Keyepmti nin pigok nânup, sekŋ kapi nâmamanpin ek ilak ġakimti titokŋanpin mawein. Kegogak nâmkınpemti mulup dolakŋan ku maminup beme nâmkınpepeyaŋ ġakimti yek penan mambem wein.

3

Nambalamm weyaŋ ekdamuŋ mpewanup

¹ Notnne, ingat tunguwinanŋatnaŋ an zikat indanda mulup mimiyet windenŋaŋ ku bewep. Nâip, zemdelan zenze kan temanen Amobot-naŋaŋ zikat indanda an nin kwitnaŋ kwitnaŋ mmotindawe. ² Nin sambeyan kwitnaŋ kwitnaŋ mene mene maman yungumtemezin. An nenan zikat indanda mulupman yungumti zet kwep nen ku manzein beme an ke an dolakŋaŋ penaŋ. Kegok min beme sekŋaŋ butnaŋ notnaŋ sambe nep indikdamuŋ mamin.

³ Âs ekŋen zetn gawepupuyet nâmti aen butnaŋ takanzi nemboŋ dembusekŋinan pemann maa-pum talip. Âpme bukeboŋ keyan âs teman mim guluk gilik mampeme keyet nânân mamezin. ⁴ In nembuen waŋga mamain keyet kegogak otnâit. Waŋga ke teman penaŋ tâgâ katikŋaŋ keyan indakumbume mamelip. Yangut waŋga mti mamain egaŋ waŋga teman ke deset mebegalen nân beme kwitnaŋ nen stia zeip ke isikŋaŋ bugan keyan mme gilik zemti egaŋ manân keyegak esemtenj mamezin. ⁵ Âpme am ningat nambalam sepem keboŋagak isikŋaŋ bugan yangut kwitnaŋ kwitnaŋ nukŋaŋbenj penaŋ mamin. Nâip, tep butnaŋ menzok mann zinak ek isikŋaŋ penaŋ yangut bukeyan bumann zimti tep msasat teman manzim kawaŋ bein. ⁶ Âpme ningat nambalam tep butnaŋ menzok mann zinak bukeboŋ. Egaŋ sekŋ notnaŋ sambe mtot indemti bekanan omba penaŋ mamin. Egaŋ sekŋ sambe mama mimi bekananset maindamepme walepmâzin ma egaŋ

sekgalen mama mimi bekanaj keyan tepnok bume zime mama mimin bekanaj penaj mam-bein. Zet bekanaj kebon zenzeyet nambalaman tep butnanaj tezin nandanengatnan mapendoin.

⁷ Songom sepemanaj ikjak ikjak tuengatnan ma katikjanngatnan ma age ma nombe mee ke amnan mme sewakjan besati nep mamsewakjan mam-beip. ⁸ Yangut nambalam kapi an kwiyan nep msewakjan kumbempepeyelen. Ek tagogopin guluk gilik mti bekanaj mti mimiek mamin. Nombe menemae keyelen zet tunaj bekanaj am indime gakikiyelen keyet katanj.

⁹ Nambalamnan Amobotnan Bipm masesewatsanup ma nambalam ikjan keyajak Kawawanaj am ikjanngat sepem mimindeye ekjen ke manzemtalatindenup. ¹⁰ Dembusek kwep keyajak sesewat zet ma zemtalalat zet matozin. Notnne, mneti nin mama mimi kekok mbanupmagengat. ¹¹ Tu zikatnan kwep keyet tu penaj ma tu yoyon temakwep ku makwalup. ¹² Notnne, simam zup tepmanen sanganej penaj nep wenak? Ma sam tepmanen simam penaj nep wenak? Ma nembu akjanaj tu niniyelen dolakjan benak?

Nânâ dolakjan Kawawanmagengatnan makozin

¹³ Ingat tunguwinangatnan an nen nânânan dolakjan ek nen mamain ma yek? Mamain beme egan mamanan ekdamuj mme dolakjan penaj bewe ma mobotnan ku mbe ma njotik dolakjan mam keyet penajan am notnan ekjen zikat indame eknâm mbep. ¹⁴ In ken kuku mti am

notnaŋgalen mama mimiyet eiyak mti nen nâyap nâyap mamip keyet nâme nânâ penañ nâmtatnup manâip. Kegok mamip beme ke nânâ penañ yek; dâsuki keyepm sek mobopiñ. ¹⁵ Nânâ sepem keboñ ke gwaengatnan kwatoge kekok ñep penañ ku zenzeyelen yek. Nânâ keboñ ke msalengatnan, anmagengatnan ma Sadañ ekmagengatnan. ¹⁶ Keñ kuku mti nâyap nâyap palen mnik beme keyet keñaset mama mimi bekanañ mamsokbein ma mama kilenj mama masokbein.

¹⁷ An nâmâtâzin egan mama mimi dolakñanğalen nânâ ke Kawawañmagengatnan toge keyelen mama mimiñanen kapigok masokbein: Keñ kwatetepmañmak mama ma keñ sewak palen mama ma keñ taoletmak mama ma mtoti mama ma anğalañ gogot palen mama ma mama mimi dolakñan mimi ma ken ke ken ke ku mimi ma kwalañ kwalañpiñ mama.

¹⁸ Keñ sewak palen mamayet maomkakalip ekñenañ keñ sewak keyet alikñan maondeip keyet penañanñ teñ mama ke mamsokbemindain.

4

Am msalen kwitnan kwitnan kakikiyet tikñan manâip ekñen Kawawañanğat kasanane

¹ Inmagen kasa kasa mam maip ma âmanda manda masokbein ke yañan kwilekiyet? Keñjinanen seğalen kwitnan kwitnan titiyet tikñanin indamandame tisât sebet dindiñ mamip keyañ ke tati mme âmanda manda mamip. ² In keyet keñin mawazinañgut keyet penañanñ toñan kumambeip. Keyepm in dopmañ mekum kokum

mimiyelen maweyanbemtalip ma dopman kekelim dopman kekelim mtingut keyet penanaj ku tiwien. In kasa kasa ma mdândândâ mulup mtingut penaj time kwaopme ku manimwianip sepem kebonj. Ke dundundupin belak kilen mamaip keyet penanaj kekok mamip. ³ Naman nen mandundup wanjut penanaj ku matip. Ke kenjanen bekanaj kapigok tapme keyepmti mandundum aleip. In kwitnaj kwitnaj tisât mandundup ke ilinangat tiknaninangat mâti etaj mandundup keyepmti penanaj ku matip.

⁴ In Kawawan bamkumpemti tususunjin maelengeip, msalen kwitnaj kwitnaj bekanaj mti mambe am keyaj Kawawan mabamkumpein. In ke nâip? Keyepmti an nen msalengalen kwitnaj kwitnaj kapiyet notn notn mpewe beme Kawawangat kasanaj bewe.

⁵ Kawawangalen zet muluwan kukunaj tazinen ke esemtenj ku mâti zeye, egaj zet ke galak zeme zeye, kenjanen Emetak Tenj beye keyaj egat zapat etaj penaj mamayet windenaj penaj mamin. ⁶ Mti nembetnaj kenj taolet omba penaj maminndain. Keyet Kawawangalen Zet Itnananen muluwan pigok penaj miminaj tazin, “Kawawan egaj am mobotnaj mamip eknen bandimin mamâtâtindein. Ma am mtoti mamaip ekngatgut kenj taolet mamindain.”

⁷ Keyepmti in Kawawangat kandanaj meti mambep mme Sadaj indetetim indiksât kopme kan keyet ek ekti ku kunzunbep. Katiknaj bemtapme ke ekti kingatindemti kunzunbe. ⁸ In Kawawanjagen sokjanik mepme egaj kekok

inmagen sokŋanik kobe. Am yomton, in bekanan mti keŋin time kileŋ mamekozin in keŋin peme Kawawaŋaŋ weyaŋ zulut kaput mme mama mimiŋin kwetetepmaŋ bewe. ⁹ In mama mimiŋin mgasik keyet otnâmti si kembeŋ mbep. Oloŋen zeyen palen mamayet beme kembeŋ palen tabep. Ma oloŋen palen mamaip beme si kundundu temaŋ mbep. ¹⁰ Amobotnangāt kandenāŋ mtoti mame egaŋ mwatonzemindewe.

Nolin zet bekanan ku diindowep

¹¹ Notnne, in zet bekanan ku zewep. An ŋenan notnangāt zekukuŋaŋ mti zelen pewe beme ek zii zet mtopewe. Enenogat Kawawaŋgalen zii zelaŋ notn notn mmamayet zenzenāŋ ke egaŋ aŋgosoye kegok bein. Geŋ zii zet aŋgosowanik beme geŋ zii zet gawepupu an ku bewanik. Geŋ an zemdelan zenze an benik ke yomaŋmak. ¹² Kawawaŋ iŋŋaŋ etaŋ zii zet ndaye keyet toŋaŋ ma Egaŋ etaŋ ningalen an zemdelan zenze an bein. Nda-tim tatagalen winde ma ndaketim ndendeyelen winde e ekmagen etaŋ tasain. Geŋ kwindan nodanŋalen zet zemdelan zenzeyet mulup ke gaye?

Sek ku mobogalen golaŋ zet

¹³ Inmagengatnaŋ an notnaŋ ekŋenaŋ kapigok manzeip, “Alak ma seŋenen kapi met msat ke nup kan kwep mamti mânep mulup mti mânep milawat temaŋ timti gilik zemti kobanup.” ¹⁴ In seŋenen ma âgânen kwileki ŋen zigok sokbemindawe ke in nâip? Geŋ gitaŋgat ma-mandi msalen mambanik kapi teepmaŋ ke ku nânikgapmti buzak tat. Am ningat maman kasek

kebon belatnik ekmann moti madinpein kebon.
¹⁵ Keyepmti in kapigok zeme nep penan bewe,
 “Amobotnanañ nâmdeme nep beme nin ewe alik
 mamti mulup ke ma ke nep mbanup.” ¹⁶ Yangut
 in zet mobotnañ zet ikñak ñen penan zemti sekñin
 mammolip. Sek mmobot zet ke mgasik penan.
¹⁷ Keyepm an ñen ek kwitnañ kwitnañ dolakñañ
 ke mimiyeleñ setnañ nâmtati mimiyet wisat mbe
 beme ek yommak bewe.

5

Am mânep milawalin teman ekñengat golan zelin

¹ Am mânep milawalin teman in sek sindem
 sokbemindawe keyet eweñañ pigogat kember
 palen mamti si kundundu omba penan ma-
 mambe. ² Mânep milawalin ke etimbemti yek
 bemâbe ma sangum kâlâp elimiakñin sopmañ ke
 msatgat zapat bemâbe. ³ Ma mânep ma gol sil-
 wañin sangip sangip kwabe. Âpme sangip sangip
 keyañ ilinañgat yañañin msokbemindemti tep ke-
 bon bemti indazimâbe. In kan delañ zenzeyelen
 bududuk tabeme keyangut in mânep milawat-
 gat mulupmañ mti time manje teman moge.
⁴ Nâip, mulup an ekñañ muluwengatnañ meu
 penañañ akumindame in keyet tosañañ indamti
 butnañ ilin elengemtiwien keyañ ingat kwizet
 teman penan takuip. Âpme genj tosañin ku in-
 danik beme ekñengalen gawekum gaio keyañ ku-
 lulunengalen kasa kuku an ekñengalen Amobot-
 nañ egat wakñañ topme manâin. ⁵ Msalen kapi
 in nukñañ ñen ku aikti omakumbembe mulup

igagen mamip. Kan in zemindondoyelen kanen nâme bududuk bein keyangut in kenjinaŋgalen tiknaŋ mâti tapmaip ke sekem bo palaŋgume sememti gunabiknaŋ mambem tazin. Âpme bamgat maindonip kebon. ⁶ In am kwetetepman eknen zelen zemindomti kasa mamimin-deip. Eknen am yommpin belak tunŋupmane maindom walepme eknenan down mimipin, belak matalip.

Nin nuknaŋ sokbemndame keyet nâmann betetnaŋ beme windemben tabanup

⁷ Notnne, in Amobotnaŋ kobe keyet damuŋ nâmisimti mambep. In kapigok maegip, an ŋenan mulup mti kwitnaŋ kwitnaŋ ondempeme mawaŋ toti mme kwakwatgat damuŋ matazin keyet katan in damuŋ tabep. ⁸ Âpme Amobotnaŋ kokotnaŋgat kanaŋ kegogak soknaŋ bein keyet in damuŋ nâmisim mamti kenjin mkatiknaŋ bemti tabep. ⁹ Notnne, Amobotnaŋan inimagen zemdelan zenze mulup msâgât kosâpm keyepm in mamti wisat zet ku mbep. Zet zemdelan zenze An ek ilak soknaŋanik penan kozin. Pe nâmti tapmip ma yek?

¹⁰ Notnne, golan zenze an eknenan Amobotnaŋgat zet zapatnaŋ zemkawaŋbewien eknenan sek sindem wisatnepin timti titiyek mbien yaŋgut eknenan nâmisim tabien sepem kegogak in nâmisim mambep. ¹¹ Nâip, sindem keyet kenan tati windemak mambien ekŋengat Kawawaŋan nâme dolaknaŋ penan bein. Zop egaŋ sek sindem palen tati nâmisim tage ke nâip. Mme bam Amobotnaŋan kwitnaŋ kwitnaŋ

omba penañ saye ke nâip. Amobotnañ ek ningat kembenj mindemti anjalan gogot penañ mamimndein.

Zemkatikbembe kilej ku mbep

¹² Notnne, zet penañ ñen kapigok mimiyet zema nâit. In kululungat kwitnañ kumti zelin kaliñan ku bandim mbep. Ma msatgat kwitnañ ma kwitnañ ñeniyet palen kumti zelim ku bandim mbep. In penañ, “penañ” zeit; Yek, “yek” zeit. Zet penañ ku zeip keyet Amobotnañan zelen indewe.

Am teñ ekñengalen dundundunjin windenjanmak

¹³ Inmagengatnañ an ñenan nukñan keñan tabe egañ Kawawangat dundum sawe. Ma ñenan oloñen palen mambe egañ Kawawangat kwizet buñaman mwati sesewat silik kuwe.

¹⁴ Inmagengatnañ ñenan zawat mbe egañ an ñenjan bembe notnañ zeme kot ondektati egat mti dundundu mulup mbep. Mti Amobotnañan mukulem mpepeyet dundum sawep ma âlip katnangat kelakñan isikñan bugan keyañ kaput pewep.* ¹⁵ Âpme nâmkijpepemak tati dundundu mulup mbep beme an zawatmak ke Amobotnañan weyanpewe. Ma an ke bekanan ñen mge beme yoman katikpewe. ¹⁶ Keyepmti in alik besât nâmti yomin zemsokbemti dundunduyen mukulem mukulem mbep. An teñ mamain egalen dundundunjan penanjanmak masokbein.

* **5:14:** Zuda am ekñenan âlip tegat misikme kelakñan topme keyañ melesenok manzulutindetemien.

¹⁷ Golan zenze an ñen itnanan manje kwitnan Ilaiza ek kegogak an nin kabonak. Âpme egan msalen map ku totogat nâmti dundume msalen map tototpin nup kan tuk ma eyonga 6 kasup takwage. ¹⁸ Âpme bam ewe map totogat nâmti dundume kululunengatnan mawan toti msat kume naman kwitnan kwitnan dolaknan kwapmâge.

An set kilen mege beme mtati selenegak pe-wanup

¹⁹ Notnne, inmagengatnan an ñenan zet zapat katnan penan katikpemti mama mimi bekanan mge beme in gilik zemti wabep. ²⁰ Keyepmti in zet kapi weyan nâit. An ñenan notnan a yomton gilik zemti wati kwabe beme egan notnan ke gakikiyet zapat tatatnanen gilik zemwabe. Mama mimi kegok mme Kawawanan yoman sambe manzulupme mepmâzin.

Kawawangalen Tâtâ Alakṇan
The New Testament in the Nabak Language of Papua
New Guinea
Nupela Testamen long tokples Nabak long Niugini

copyright © 1988 Wycliffe Bible Translators, Inc.

Language: Nabak

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 11 Nov 2022 from source files dated 9 Oct 2020

ea68a902-358a-5c72-82de-a583fc4809e7